

雪
門
詩
草

雪門詩草卷十三

上元初集

善化許瑤光雪門甫著

甲戌年

元旦晴霽

曉起見霞標。江春接海遙。日華秦駐表。烟水五湖驕。人
事更新歲。文章答聖朝。所思西極定。塞外奏兵銷。

伏戎

江湖遺孽竄。籍戎行結納。有朋敢於犯。上濟雖
伏矣。亦孔之昭爰。作是詩。亦杞人之見也。

伏○戎○防○在○莽○今○莽○伏○於○戎○弓○箭○翻○身○射○戈○徒○倒○面○攻○香
芻○供○跌○馬○逸○檻○走○狂○熊○熒○火○休○生○燄○天○衢○日○正○中○
疾○瘳○留○藥○毒○崇○去○召○巫○妖○釁○甲○兵○雖○弭○包○荒○藥○未○消○性
情○金○石○烈○意○氣○虎○狼○驕○莫○漫○忘○搜○掘○烏○頭○究○有○苗○
白○蓮○川○楚○結○藏○垢○尚○深○林○祈○父○今○牙○爪○奸○人○轉○腹○心○三
年○思○蓄○艾○二○豎○詎○難○鍼○隱○疾○無○人○語○同○舟○敵○恐○尋○
縉○紳○無○社○黨○湖○海○有○邦○朋○結○納○千○金○劍○糾○纏○萬○里○藤○潛
山○吹○虺○毒○照○水○少○犀○燈○多○難○并○蜂○詠○聊○爲○後○患○懲○

寄贈富陽四齡童子周善寶

石君昨自富春歸。贈我三尺之壽字。云是四齡童子書。
縱橫盤折能如意。么鳳含苞耀日情。穉龍森角騰霄勢。
懸堂翰墨發新香。鴛湖耆宿詫神異。古來早慧饒福人。
鄴侯君實徵前事。玉笋萌芽節節通。他年已兆凌雲翠。
編籬鋤土灌清泉。扶持莫作橫斜致。寄語童家父老知。
善與琢磨成大器。

題盛詵孫孤燈對影圖

花飛觸春愁。木落起秋怨。無情且闕情。矧茲骨肉變。俯
仰已無聊。挑燈伴寒宵。孤影向燈語。酸風增寂寥。昔日

同根生。今成獨活草。寒雞催缺月。憂怒心如擣。東流不
西旋。碎珠不重圓。勸君開懷抱。無爲傷其天。尼山泣防
雨。且抱無榔慟。發憤終忘憂。陶陶曲肱夢。讀書師古人。
吉兆燈花弄。

送桐兒還湘應童試

讀書宜赴試。奚止急科名。文藝根心得。官師少世情。低
昂資考鏡。閱歷助平生。想像同鄉射。升階不礙爭。古以
選士今以文藝選士似較射爲優而論者必卑視應
制之作是徒知薄今而重古實未取古以證今也
爾今非我昔。性理孝經增。楚士多吳地。榎楠杞梓蒸。春

深○鶯○乍○轉○河○濶○鯉○難○登○努○力○從○年○少○青○雲○一○健○鷹○
孝經性理

論始於同治朝

官○場○謀○子○弟○納○粟○博○榮○多○世○態○驕○統○袴○朝○章○重○甲○科○
經○綸○資○典○籍○天○地○悔○兵○戈○莫○漫○爲○儒○恥○斯○文○刼○不○磨○
爾○母○牛○眠○待○歸○時○奠○殯○宮○族○貧○年○屢○歉○齒○長○禮○宜○崇○雲○
麓○堪○游○覽○湘○江○尚○古○風○豐○蔭○原○舊○種○好○爲○問○新○紅○

買碑帖

乾○嘉○多○趙○體○成○廟○柳○顏○標○近○薄○三○唐○楷○羣○談○北○魏○朝○
名○留○齋○主○衆○像○造○梵○王○驕○偃○筆○分○書○勢○思○量○晉○法○遙○

雪門詩草

上元初集

金石搜從宋論書。宋漸頽元明趨簡易。篆籀更烟灰。攷古知源委。觀今變體裁。象形文字祖。倉聖費徘徊。

上巳偕嘉興石蓮舫驛丞李杏軒履勘沿塘橋梁

石門令余介石邀同主簿楊竹峯遊福巖寺天

中山得觀費隱禪師

黃蘗禪師弟子

挂瓢亭遺像前守

吳永芳止翁亭詩碑吳六奇贈查伊璜縹雲石

及寺中放光鏡石補鐘諸蹟

髮逆真無賴。焚橋石盡傾。

逆匪折橋俱取民間什物積於橋之洞下以火焚之則橋

石自東南兵久洗。湖海路難行。病步蒼生念。尋幽傲吏

情○古○松○經○劫○在○斜○日○壯○濤○聲○

銀○杏○生○新○綠○參○天○繞○寺○剛○挂○瓢○孤○塔○在○補○石○一○鐘○留○黃○
葉○前○朝○恨○青○苔○古○佛○愁○止○翁○題○壁○句○舊○守○擅○風○流○
池○苑○縹○雲○石○三○春○魄○亦○寒○英○雄○酌○德○易○風○雪○識○人○難○南○
海○鷹○揚○道○西○湖○鶴○令○看○恰○携○春○暮○酒○曲○憶○蔣○君○彈○
難○得○同○人○集○晴○逢○三○月○三○野○花○緣○石○瘦○谿○竹○醉○烟○酣○飲○
罷○聞○啼○鳥○詩○成○話○浴○蠶○放○光○堂○上○鏡○相○對○悟○優○曇○

公庭

公○庭○無○事○燕○來○忙○金○鴨○烟○銷○花○自○香○黃○鵠○霞○邊○占○去○就○

雪門詩草

上元初集

蒼○龍○雲○裏○悟○行○藏○通○觀○世○故○今○猶○古○令○抱○詩○情○老○更○狂○
銷○卻○猜○嫌○存○質○直○天○涯○海○角○亦○家○鄉○

書齋

書○齋○夜○剔○一○燈○青○萬○古○瞢○瞢○眼○孰○醒○聚○訟○文○章○原○吠○蠅○
爭○光○史○冊○半○流○螢○暫○拋○楚○艷○歌○周○雅○且○掩○南○華○讀○易○經○
不○有○尼○山○尊○俎○在○誰○攜○日○月○照○蒼○靈○

小園

休○嫌○園○小○愛○郊○春○心○廣○隨○緣○寓○此○身○野○草○慣○欺○朱○履○客○
幽○花○不○笑○白○頭○人○添○廊○遮○雨○通○行○路○種○樹○分○陰○及○比○鄰○

白蝶黃蜂無限喜。爭香釀蜜各精神。

海東

閑○攜○玉○牒○借○花○熏○花○外○黃○鸝○慰○問○勤○亭○敞○儘○堪○迎○送○月○
樓○高○長○有○往○來○雲○酒○開○傲○吏○看○人○眼○詩○補○中○興○未○竟○勲○
居○近○海○東○天○欲○暮○卻○瞻○西○海○綵○霞○曛○

日夜

日○涉○園○林○夜○上○樓○詎○將○花○月○付○閑○游○黃○鸝○喚○曉○辛○勤○意○
白○鶴○凌○霄○遠○大○謀○靜○愛○丹○魚○潛○藻○底○動○觀○綵○蝶○出○枝○頭○
蠢○行○麗○植○皆○吾○與○笑○對○春○風○倒○玉○甌○

眼前

眼前何物不離奇。樹判雌雄卽兩儀。螻蟻無聲能教戰。鸚鵡非我解吟詩。營巢鵲取雷天壯。結網蛛占日月離。草長牙牌蓮轉午。理原難解少尋思。

陶情

尼山說樂是言情。論語開章教誨明。發露不虧天地德。萌芽已卜棟梁成。驅除猛獸山能奠。吹散浮雲月自明。更想甘章無理字。只從大道認歸程。論語甘章詳言道。章不言性而言說樂之。情是聖人引人入勝處。

淡知

感恩易遇得知難。道德文章只自安。歌舞稱能先失鳳。
烟花同賞已卑蘭。天光古井波瀾。測人世浮雲富貴看。
曲直是非難遽定。淡懷且折雪梅餐。

砭誤

身列儒林愛佛經。西來一夢幾時醒。不妨婦孺談因果。
最誤聰明毀性靈。禍福鬼神森屋漏。尊卑天地在家庭。
倫常世界生機足。忠孝文章萬古馨。

防僞

無端嫵媚語如簧。客果何心仔細防。更有深沈藏劍戟。
或緣風雅寓冰霜。喜談固中陰柔網。持正翻遭驚戾傷。
休怪少年無識輩。英雄多少誤朝綱。

傳家

治家節儉子孫宜。儻廢詩書儉亦危。飽食不思終朽木。
豪華有幹亦英姿。更思章句猶糟粕。休把酸寒沁肺脾。
中道難逢狂簡進。薪傳庭訓兩相師。

著述

不堪詩書著述難。第矜淵博亦漫汗。盈倉碧麥仍非酒。

出礦黃金詎是丹。筆有鑪錘天地鑄。胸無源委海波乾。
後天學問先天悟。脉望神仙字許餐。

月夜

雨過碧天淨。疏星伴月明。清高非熱境。獨賞有誰爭。
呼友到花前。花陰漏月妍。清風搖玉佩。芳思與纏綿。
半輪離海早。初夜卽當頭。萬事將圓好。圓時動缺愁。
水國夜宜晴。高齋過鷺聲。青天杳無限。何處是歸程。

觀秦散之作畫

矜持仍雅適。細密卻疏豪。但識成章好。誰知下筆勞。

紅蘭

其一名蒲蘭以
其葉似蒲也

新購幽蘭染絳紅。一莖數蕊閨香風。丹心寸意無人賞。且賞花時貌不同。

枕上

安身無過是方床。爲想浮雲夢亦忙。而我老懷塵務淡。卻撩詩思入蒼茫。每欲無思學至人。睡鄉留住葛天春。百年歲月原舒暇。想到千秋累此身。

無涯

仁○雲○延○月○送○殘○霞○洗○竹○澆○梧○灌○晚○花○只○爲○雙○眸○忙○不○了○
始○知○色○界○海○無○涯○

究竟

煮○茶○江○海○讓○泉○清○鑄○刃○黃○金○讓○鐵○貞○不○向○英○豪○論○究○竟○
山○苗○自○比○澗○松○榮○

撲蜂窠

道○撲○蜂○窠○蜂○必○狂○而○余○不○信○竟○并○傷○自○求○辛○螫○終○無○悔○
未○許○名○花○毒○物○藏○

憎夜烏

昭昭白日不曾鳴。卻自低徊訴五更。寄語主人須仔細。蒼蠅曾誤視朝聲。

月蝕書感 三月十七

麒麟入夜闕蓬萊。頃刻珠宮蔽劫灰。忙煞吳剛揮玉斧。重鳩七寶起樓臺。

影攝河山萬里清。西來天狗敢縱橫。擬金伐鼓妖氛掃。

依舊圓明擁玉京。

俗謂月蝕爲西狗食

不蝕蛾眉不蝕弦。團團三五轉招愆。臨風欲寄嫦娥信。

天道虧盈自古然。

暮春

江城景物暮春晴。紫燕黃鸝歌舞情。正揭湘簾寫詩思。綠陰深處一花明。

讀駱文忠自注年譜

爲稽銀庫受深知。從此東南半壁支。始悟中興霖雨佐。風雲成廟有留遺。髮逆起於道光二十三年。成廟諭云。汝做官尚有良心。故天不虧負汝。誠哉天也。文正曾聯鑣恪靖。左賓百年寶海各經綸。楚無君子斯焉取太息。榷楠大厦春。

海南多瘴產檳榔山出貍貅制虎狼髮逆同公花縣籍

此中生尅是穹蒼公籍花縣洪逆亦花縣籍

西蜀羣歌馬各謠癸年巳月提旗飄臥龍尚屬偏安局

天遣忠良翊聖朝先是蜀中有謠云四川地土薄硝

角巳而石逆擾蜀上命公往公調湘中兵隨征一

統之湖南記名逆黃醅熙一為記名按察使蕭啟江分

古寺

日石逆就擒於紫打公卒平賊皆與謠應

深溪古寺瑣烟蘿佛面金銷少客過殿角鐘懸春不打

恐驚啼鳥落花多

題畫

黃月迷離江上潮。翦江風起樹蕭蕭。行人且向孤山泊。
寺外蒼松是六朝。

夜起出閣

夙興將有事。午夜自然醒。推枕銀缸碧。開門河漢青。馬
鈴搖碎露人語。落疏星。世路防閑好。呼僮謹護局。

老懷

老懷悟到自然初。曉對春風白髮梳。歌舞常因聽鳥倦。
詩書亦爲看花疏。澄心覽古增迂癖。靜坐焚香當隱居。

世事日紛天日定。青霄萬里白雲舒。

酒後

酒後狂言論古今。江城雷雨撼春林。文章盛際唐虞世。
憂患誰懷伊呂心。碧海蒼茫孤石枕。朱門炫爛落花深。
盈虛自屬乾坤局。犧象苞桑萬古箴。

回思

廿載滄桑世路難。中原民物半凋殘。回思烽火心猶慄。
細算乾坤意轉安。朝野憂虞增氣象。文章慷慨助波瀾。
誰將鴻澤流民狀。永作千秋畫本看。

構亭

憑高構孤亭。雲好月亦好。環亭植花木。春早秋更早。立身紅塵中。極目青天表。百年少閑人。同心託高鳥。

暮年

一室養春蘭。自爾爲佳節。十里香秋風。卻讓桂花烈。梅比桂更奇。芬芳在冰雪。萬事暮年好。發揮由蘊結。風雲助波瀾。日月表高潔。後進薄耆宿。鉛刀笑貞鐵。

遣興

仰對青天少赧顏。百年心性與雲閑。生憎豪俠猶耽劍。

素薄神仙卻愛山

湖海風雲問舵師。春秋晴雨老農知。文章經濟艱難事。
想到英雄閱歷時。出莫浮名處莫狂。春雲秋月問行藏。龍興滄海思霖雨。
虎護深山養棟梁。雞碑雀籙殘爛古。龍劍螭彝澀更奇。不侈皮毛矜氣韻。
文章兩漢是吾師。

江晚

黃昏江上水如湯。未若當天午日涼。自爲薰風吹不力。

卻教人錯怨斜陽。
黑雲東角掣金蛇。夕燒西天盪綵霞。電過雲收霞亦淡。
伴人星月又光華。

代閱歲試武生作

文章資皓首。武藝貴青年。校射生多老。彎弓顫可憐。安
危俱莫恃。約束有微權。鴟集鸞旂日。思量泮水篇。

西湖嘲

西湖斷送趙家休。今日西湖惹客遊。未沐翠華修幸
典。頻傳冠蓋自皇州。攀殘楊柳津亭瘦。折盡桃花地

雪門詩草

上元初集

主愁幽秀境成煩。擾境教人不築怨婆留。

神仙嘲

拋棄人倫煉華陰。神仙竟止識黃金。驂鸞許作修書侶。
上界胡容此輩深。

五月

四月暄蒸五月涼。園林雨洗石榴妝。天心不放端陽熱。
留取薰風配藕香。

泛湖

湖浸青天。天浸霞。綠雲兩岸卷蒹葭。浮空畫楫渾無著。

來○往○蜻○蜓○撲○水○花○

閱經解作

碎○金○已○爲○泥○碾○玉○已○成○粉○謂○非○玉○與○金○斯○心○究○難○忍○匪○
獨○心○不○忍○立○遭○賈○人○忿○六○經○原○渾○完○千○秋○昭○義○蘊○漢○代○
明○訓○詰○淵○懿○仍○嚴○謹○今○人○喜○釵○析○蔓○衍○逞○旁○引○小○文○日○
以○明○大○義○日○以○隱○蝸○蟻○沸○百○家○鸞○鳳○深○愁○窘○賢○哲○挺○然○
生○思○立○天○地○準○證○古○卻○無○慙○質○今○轉○遭○哂○孤○石○塞○狂○瀾○
拙○舌○敵○巧○吻○砥○礪○蝕○堅○金○羣○鴉○啄○秋○隼○愈○辨○理○愈○紛○文○
章○生○捩○紵○何○如○姑○置○之○唯○唯○謝○不○敏○如○愚○終○日○間○孤○悰○

契顏閑

偶諷

夏盃商卣斑爛綠。以盛濁酒何凌辱。秦章漢印重黝玉。
以押估券人捧腹。胡爲雷同勦說之枝詞。飾以蟲書鳥
篆之離奇。開卷置我三代上。細繹不過下里卑。未得古
人妙。且襲古人貌。未洽古人義。且仿古人字。懷鼠誇爲
璞。買櫝還其珠。錯落宋時錦。裁爲邨媪襦。令人懷古增
歎歔。

看夾竹桃書感

貧賤不易耐富貴良獨難名花凌赤日甚凌霜雪寒靡
艸夏已萎非非惟幽蘭幽蘭宛閨媛未敢出雕闌何如
夾竹桃炎天來姍姍嬌紅倚赤日薰風吹不殘威武不
能屈君子古所歎池蓮得伴侶那愁形影單赤帝繼青
帝錦繡羅心肝買瓜相對賞休作熱艷看

問道篇

執尺量青天青天渾茫茫雖復得度數究難定修長仁
義禮智信機緘方寸藏發揮分事業合抱皆靈光錙銖
相計較鐫刻成文章有似雕璞玉鳳翥而龍翔徒增東

序重究失山川常吾道一以貫尼山質彼蒼仁者見仁
智見智大哉十翼贊羲皇

箴足篇

不及西風作不知鳳綃薄不到青陽暄不知狐腋溫人
情忽當前受恩忘其恩遂僕憶舊主孤兒思父存尋常
强健日不知强健樂病起立花前歡情春透腳故家豐
厚席不知豐厚娛乞兒拾遺金魂夢皆遼遼萬念戒不
足百年常有餘休待臨渴日始向簪井趨

聽嘉興杜小舫方伯談天主教暨外洋事作

外域祭天自古而然無所謂天主名也後漢書
云焚老上之龍庭註以爲卽史記匈奴傳五月
大會龍城祭其先天地鬼神之處又武帝以高
句驪屬元菟其俗十月祭天大會名曰東盟又
云箕子封朝鮮制八條之教常用十月祭天晝
夜飲酒歌舞名之爲舞天又云馬韓諸國邑各
以一人主祭天神號爲天君立蘇塗建大木以
懸鈴鼓事鬼神夫曰天君幾與天主隱合然無
所謂教也至隋書漕國傳有順天神之名想皆

婆羅門教之支派卽今回教也明萬厯中西洋
利瑪竇始以西法入中國建天主堂於宣武門
內供耶穌繪像貌三十許人左手執渾天儀右
叉指若方論說狀左聖母堂貌若少女手一兒
卽耶穌也同時熊三拔著表度說陽瑪諾撰天
問畧以承三拔之說而其自序盛稱天主之功
且舉所謂第十二重不動之天爲諸聖之所居
天堂之所在信奉天主者乃得升之以歆動下
愚蓋欲借言三象以證其天主堂之不誣惟天

堂之說又頗近於佛耳 欽定四庫全書總目
已斥其用意極爲詭譎矣恭讀 聖諭廣訓云
教主已作罪魁福緣實爲禍本如白蓮聞香等
教皆前車之鑒也又如西洋教宗天主亦屬不
經因其人通曉歷數故國家用之等因是天主
教之入中華在明之季實隨西法而來得其一
益卽受其一損天下事往往如此聞西洋謂耶
穌降生至今同治十三年西歷已一千八百七
十四年考之在漢平帝元始元年其初起於猶

太國名猶太教又名刀筋教現有希臘教耶穌
教天主教各名皆異派同源遂以猶太爲舊教
大約俄羅斯普魯士米利堅英吉利奧斯馬加
各國雖有天主教而信耶穌教者十之八九法
蘭西意大利西班牙葡萄牙各國則專重天主
而法國尤甚其始意大利於西歷八百十六年
立爲自主之國於羅馬城內設立天主教總滙
之所法國派兵四千保護之談往云十字架者
耶穌仇人殺身之具也禮拜奉其教必著架圖

於門首初止禮拜十字架意國忽造耶穌之像
拜之如佛頗爲耶穌教之所訛又造作耶穌之
母名馬利亞又云耶穌首徒名曰彼得教主之
名乃彼得所立教主之下有主教牧師司鐸監
督神父諸名皆有缺額耶穌教之司鐸娶妻生
子如常人天主教之司鐸不得有室家如僧人
然此兩教之分辨也前年法國爲普國所敗法
國議院有上書言天主教不利於國者於是釐
定教門新規蓋亦防之也夫泰西謂耶穌乃天

之子已屬附會至洪逆秀全乃謂已乃耶穌之弟爲第二子故僞示有天父天兄之語謂天名火華耶穌一名基督創贊美上帝之詞雖其狂悖自取天誅然未始非天主教有以導其先路也考海國圖志天主教總名克力斯頓後分爲三一加特力教一額利教一波羅特士頓教與今小舫方伯所言不合蓋方伯曾觀察蘇松練習洋情聞所言勝讀職方外紀坤輿圖說諸書始悟鄒衍談天謂九州之外更有如九州者九

其說非誣蓋衍居近海意戰國時必有海舶至
故衍得聞之耳

煌煌禹貢書聲教訖四海胡來海外教蔓衍華人駭匪
老上之祀龍庭匪元菟之會東盟匪舞天尊箕子之教匪
天君懸馬韓之鈴非儒非佛非仙靈云自元始元年
會西歷耶穌是誕生初名猶太後刀筋今則希臘耶穌
天主相紛更耶穌教尚少俶擾傳播俄普奧美英天主
盛於意大利禮拜總滙羅馬城母馬利亞徒彼得從茲
乃有主教牧師司鐸監督神父名創自八百十六載當

在唐憲元和十年乙未正恭讀黜異崇正諭西洋天

主屬不經白蓮聞香等前鑒左道惑衆有常刑奈何今

復分四會

其傳順天江西南山東兩湖者曰耶穌會傳直隸河南浙江江西陝者曰味增爵會傳福

建兩廣雲貴川皖者曰天主教會傳盛京滿洲蒙古者曰方濟會其耶穌會乃天主教中之會名亦非耶穌教也

肇釁瀛海頗縱橫國家羈縻有深術彼族煽惑無止

日卽昨髮逆擾乾坤天父天兄妄相述擅造讚美上帝

詞火華基督語嘍嚻卒撓天討取凶殘檣木摧折風雷

疾乃知教主卽罪魁聖言可畏如綸出且聞法國定

新章亦惡教民多強梁邦朋邦汙實戎首作法自敝難

爲○防○浣○花○先○生○有○心○者○十○洲○三○島○長○河○瀉○兔○親○狗○國○考○
周○書○鐵○峴○蜂○岑○出○華○夏○流○觀○山○海○記○拾○遺○腹○中○琳○瑯○眞○
博○雅○談○天○非○侈○漫○汗○游○從○戎○會○勒○追○風○馬○竭○來○滬○口○起○
長○城○鮫○人○安○水○農○安○野○爲○言○時○事○多○變○遷○今○日○重○洋○非○
昔○年○北○魏○道○光○時○楚○有○南○魏○北○魏○海○國○作○圖○志○徐○君○
亦○有○瀛○寰○編○一○自○通○商○定○和○約○文○同○笑○過○前○人○賢○聖○
人○屢○遣○使○臣○出○自○五○年○會○遣○恒○子○久○斌○乘○槎○親○到○天○外○
天○尋○源○鑿○空○古○無○有○始○信○佛○書○四○部○之○說○皆○眞○詮○所○歷○
更○比○蓬○萊○遠○不○見○五○城○饒○嬋○娟○虎○齒○豹○尾○究○何○在○但○有○

傀儡無神仙。使我從前方壺。圓嶠之見。一霍然。

慷慨歌

搔首問天天果平。雙輪晝夜何由成。拔劍斫地果平。江河汪洋何處傾。電激烈而雷奮。石巉刻而雲生。蛟龍騰兮海若吼。虎豹守兮荆榛橫。硜硜金石兮燦之使化。泛泛弱水兮凝之成冰。獨立下界。一回首。紫皇樓閣何崢嶸。休效大鵬翼。去以六月息。休爲蟋蟀吟。愁思秋風深。不如對花對月沽美酒。醉喚嬋娟舞垂手。浩歌五岳浮雲開。長嘯十洲亂石走。驅策人間保羸與螟蛉。盡化。

醯雞入吾缶。盤皇開闢何辛艱。蟲書鳥篆無人嫻。唐虞
禪讓商周繼。竹書荒謬亦可刪。麟筆以後少南董。諛詞
謗語堆邱山。乾坤悠悠昔人往。奚用懷古凋紅顏。世間
行樂現在好。學仙學佛徒痴頑。歌慷慨懸人寰。非邨非
郭非深山。那用溪邊訪白鷗。春風在我方寸間。

題湯貞愍繪贈賀仲肅石城送別圖

石頭城裏鶯花縛。石頭城外垂楊綠。三月春光入畫船。
江頭有客歌驪曲。迎君碧鶴瀟湘來。時仲肅就婚於唐鏡海方伯署送
君雙燕東風催。多情共酌離筵酒。鳳皇臺上煙雲開。此

景於今三十載。六朝金粉河山改。丹青衮衮照乾坤。貞
愍千秋耀文采。人生離別亦尋常。難得相交鐵石腸。寶
刀沈碧玉琴碎。往往回首思冰霜。干戈已矣日月皎。莫
愁明鏡秋波掃。未審斜陽朱雀航。馬蹄誰更留芳艸。他
時打槳問秦淮。微雨輕煙攤畫稿。桃根桃葉話滄桑。琴
隱園荒投暮鳥。貞愍自號鬻叟名其園曰琴隱我欲從君白下游。披圖
坐對滄江曉。

蔣筠軒比部攜何媛叟挽其贈公蔚齋先生聯冊
索題

漢唐碑碣連雲起。以石代金鴻懿紀。題碑固藉名流書。
樹碑終恃賢孫子。試觀顏書郭廟陰。子琇以下皆青紫。
榮始哀終鐫墨華。於戲迺追來孝旨。挽聯何始宋熙甯。
非誅非弔非旌銘。金啼玉泣續虞殯。栗里挽歌開先聲。
良朋撫哭兒輩索。詠歎彌見倫類情。茲冊裝池截聯語。
芝山壽色聯中叙。秋風三徑冷黃花。姬公貴胄今何許。
賴有庭前新桂枝。清芬克續前人緒。偶泊南湖萬里船。
不遑周道懷苞栩。羣公多贊媛叟書。而我沈吟別有取。
人生欲報罔極恩。不貴趨今貴師古。勲業文章兩克家。

筆墨奚借。旁人輔敷陳祖德。潘陸詞搜羅都入選樓部。
清新開府老更成。作賦江南思掌庾。人言此例始離騷。
皇考伯庸肇規矩。豈知后稷文王詩歌詠。悉出鴻飛渚。
際地蟠天反始心。斯道於今向誰吐。彼居之子色思柔。
采蘭句請南陔補。

題定海廳司馬史佳若泛海圖

宦轍入西湖。六橋楊柳腴。宦途近東海。雲耀扶桑采。招
寶山前射曉霞。灌門波浪泛桃花。揚帆風利不得泊。一
釣六鰲春可賒。休問蓬萊在何處。丹心捧日黃金鑄。中

興歲月慶安恬。釣竿好拂珊瑚樹。

京華

京華朋友局。四海會風雲。月雖多伴。詩書究有羣。嚶鳴知已感。蘭臭自家薰。浮沈輩涇同渭。不分。

夏季

一生比一歲。夏季是中年。昏宦馳驅際。文章炫爛天。日長堪力作。暑暹易遷延。霖雨期秋穫。時哉莫懈肩。

世情

奸雄與君子。都諳世情深。白日絲絲照浮雲。念念陰權。

衡孚衆論要結亦人心華士和迂士艱難總莫任。

暫停

爲○避○城○河○水○氣○腥○夜○依○蘆○渚○數○飛○螢○明○朝○此○道○終○須○入○
得○暫○清○高○且○暫○停○

憎蠅

無○故○營○營○竟○體○攢○逐○蚊○容○易○逐○蠅○難○自○清○几○案○焚○香○坐○
卻○抱○冰○心○六○月○寒○

晨候

晨○行○廿○里○款○城○闔○結○束○衣○冠○候○主○人○不○道○守○閭○嫌○客○早○

光陰錯過是閑身。

偶感

古木陰成數百年。空心腸睨著蛇涎。樹遭霹靂蛇驚走。
公道難憑欲問天。

出杭州城

杭州一到急迴舟。久宦交多畏應酬。日炫吳山樓易熱。
風來茗水樹先秋。且拋團扇聽黃鳥。更脫輕紗訪白鷗。
恰喜微雲能送雨。晚涼吹入棹歌頭。

舟人談龍

斬截濃雲下淡雲。中間天矯透龍文。白光交錯金光尾。
雷雨經綸總賴君。

前歲南湖見五身。三青二白各金鱗。問渠雨罷歸何處。
是在山涯是海濱。

點晴曾見畫圖家。舟子言同畫不差。見尾難將頭角見。
雲從未免被雲遮。

東海談龍驟雨來。詩成風卷鬱雲開。乾坤不負江湖客。
變化教知造物才。

江村

水外青蘆蘆外桑。繞村夏木碧千章。烏啼蟬噪無人管。
自唱田歌度石梁。泛泛青萍躍玉魴。垂垂紫李蛀銀螳。林檎摘向蘇州買。
趁夜搖船笑月高。

舟紀

溪狹萍多礙槳搖。乘風又恐觸來橈。不妨相讓沿邊去。
贏得寬舒天海遙。纜舟策杖上崔巍。夏雨長從西北來。吩咐南風莫吹散。
村村稻正欲花開。

萬里沈雲駕海濤。千山古木學龍號。但教世界清涼轉。
敢怨舟行逆勢勞。雨過乘涼促夜行。纜人請待月華生。爲防失滑傷荆棘。
明白從容入世情。

十年

十年不調臥南湖。手種梅花鐵榦扶。人道浙西資鎖鑰。
天教詩吏補工夫。乾坤事定官常暇。江海才多道豈孤。
閑把一編長自玩。風規得質古人無。

驟雨

驟雨將來黑四圍。輕舟繫住柳椿微。地臨滄海龍長奮。
雲壓江湖鳥不飛。供佛危樓傾岸勢。藏妖古木繞雷威。
須臾風卷天容霽。無限紅霞照客衣。

書事

五月望後
豐見北方

北辰垣下彗星懸。東海遙看客悵然。老嫗不知天下局。
笑言曾見此豐年。嫗言道光九年咸豐八
年俱見彗而嘉興大熟
偶展瞿曇悉達經。槍枰枰實多名緯。書占驗原難究。
總是蒼靈警世情。

攜菊齡女觀荷南湖

小暑過霖雨。家家晚稻分。荷花應喚我。嬌女挈同羣。水暖菱將孕。風清草不薰。攜雛雙燕樂。亦拂柳邊雲。

李小涵太守屬題柳如是影

鼎湖一曲唱聞聞。南渡桃花扇底懸。更詠絳雲樓畔柳。滄桑世事繫嬋娟。

不學妖花笑白頭。卻依紅杏想千秋。最憐寬博尚書服。裝過兒家換卻愁。

十二燈屏曲贈龔鸞刀。割肉頗從容。爲卿指點睂樓說。不見橫波受誥封。
牧齋贈芝麓燈屏詞中有笑他寒餓東方朔自拔鸞刀割肉歸葢卽合肥

於丁酉歲重遊金陵值
橫波生辰張燈而作也

君多猶欲事空王。句隨園閨閣名傳貝葉香。留得曇花仙

影在尚湖長。伴月華涼。觚賸柳本名影憐以其嘗裝男
故人稱為儒士牧齋好佛故名

以如是也

題金詹生廉訪與郭筠仙中丞蒲塘話雨圖

蒲塘在何許。乃在洞庭之南。湘水之陰。波濤撞怒蒼龍
吟。鈞天張樂多元音。娥皇一曲西風深。懸明月兮萬古。
胡昏墊兮秋霖。問妖氛兮何自。摧桂樹兮蒼梧林。猩猩
被髮狝狝笑。蹂躪白芷紅蘭心。使我江漢之水十有五

年不得少。恬息卷入河流海。若成愁。露君今話雨。果何
夕。哀雁乾坤已安宅。承平回首憶滄桑。山牕風閃孤燈
白。一話初時繫凶門。將星三次渡河昏。李張林再話過必
捷克刀。捷過必隆賜賽相鐵花沈紫蝕鵝膏。三話兩花臺
畔營丁已庚申。傾更傾四話西子湖邊水。重遭碧血青
煙此終話。湘軍出上游。東南半壁五年收。衡岳風雲滄
海雨。楚天明月吳塞秋。大局如斯細難說。話畢遂返駕
爲舟。歸來示我圖與記。半記平生半時事。築屋麟湖夜
聽潮。醒後狂歌不得意。壁間聯語寫牢愁。安知鴻鵠食

蛤蜊去年餞我京闕行。把酒登樓看山翠。黃浦江頭有
約游。而余船已滄溟刺。君後馳驅入薊門。平揖三公和
七貴。黃金臺。占夕陽。荒無人更市。追風驥。英雄抑鬱訪
知心。閑時相就談胸次。宇宙艱難濟楚材。攀龍盡化青
雲器。笑我干戈叢裏身。十年依舊天涯吏。鴻猷未著雙
鬢皤。擬把文章附聖治。繪有吟詩會道圖。他日煩君
報我瓊琚字。

眉生廳事懸楹聯云
安知鴻鵠且食蛤蜊

眉生繪林文忠河壩轡雪圖屬題

河壩春錦浪桃花足惱人。河壩秋蘋鱗橫躍荻苗愁。河

塙雪。煖奏安瀾。九重悅。萬里金堤。水皎潔。朔風卓立。
雙蹄鐵。俯仰乾坤平。且成綠圖赤甲。隨龍節。那知意外。
之患。在海不在河。五羊城郭愁嵯峨。出關且作屯田使。
入塞還充馬伏波。滇雲利往蠻雲鈍。星落中途千古恨。
公歿於海內。賢豪想風采。至今猶把儀型論。君繪此圖。
普寧知黃純紫軸。索題詩。驊騮在前。凡馬奮。聊繫青雲。
驥尾思。

海鹽學博歸安陸竹侯以秋興詩屬題

詩情入古半蕭條。吟到秋風倍寂寥。輸與黃鸝擅歌舞。

飄然白鶴唳雲霄。茗溪冷盞酌湖月。秦駐孤燈聽海潮。
老杜牢愁師宋玉。可憐光燄冠唐朝。

舟泊臨平汲安平泉煮茶

泉在安隱寺之前寺有經幢杭人呼爲寶幢泉

東坡有詩云繫開海眼知何代種出菱花不記年尚刻山門

憶昔綰綬仁和年。杭州初次經烽煙。大官怕飲西湖水。

防有沈骸

向我索取寶幢泉。嘉禾崇德已連陷。長安鎮上罷

市廛將軍嚴守九城鑰。艮山啟閉多周旋。買舟出城五
十里。三千六百青銅錢。可憐滿載百斛水。不敷一日厨
竈煎。材官浣衣僕濯足。烹茶轉竭招尤愆。在山本清出

雪門詩草

上元初集

山○濁○廉○泉○竟○與○貪○泉○連○我○思○武○林○出○天○目○龍○井○虎○跑○饒○
清○漣○胡○爲○山○靈○不○克○保○疆○宇○封○蛇○毒○虺○腥○風○延○三○竺○六○
橋○竟○無○一○片○乾○淨○土○坐○使○權○豪○杯○水○之○嗜○亦○變○遷○我○時○
供○張○爲○人○苦○十○四○年○來○猶○夢○牽○今○日○維○舟○汲○泉○飲○山○門○
詩○石○瞻○坡○仙○菱○花○海○眼○淨○塵○態○老○樹○間○雲○續○舊○綠○樓○臺○
勝○國○已○灰○燼○崇禎年寺重建於文○章○北○宋○猶○流○傳○古○鼎○虬○蹲○草○
萊○裏○殘○碑○龜○負○頽○垣○邊○世○間○萬○事○有○興○廢○惟○有○泉○石○長○
清○妍○山○僧○破○屋○強○客○坐○新○秋○巖○翠○飄○吟○肩○不○須○懷○古○更○
感○舊○歸○舟○呼○童○將○火○然○一○甌○冰○雪○滌○殘○暑○滄○江○坐○對○晚○

霞天

日烏

今古相傳日有烏。久看隱約乍看無。自家眼眩生花黑。卻把光明本相誣。

海上書感

倭奴構釁赤嵌城。強借琉球被難名。短服何心甘背祖。焚書蓄意豈強兵。已經造屋琅璫住。奚止微瑕傀儡生。從此東南籌海備。強弓待射毒蛟橫。

恭順於唐僦強於元騷擾於明近復毀冠冕以服泰西禁詩書而崇耶穌藉其屬國琉球難民被傀儡生

雪門詩草

卷十三

完

番所啖為由稱兵於台既登岸即構屋環

減兵添餉是前年募士黃金昨又懸行伍竟成虛設制

江湖易聚情游天久開閩海機輪局還購西洋鐵甲船

邊將深謀先闢巧區區休惜水衡錢局近日輪船已各

人鐵甲船堅利過之

禦敵無權祭海神勝朝邊績黯灰塵入波未把黃虬斬

獻媚翻誇白鹿馴宗憲繪圖千里在南塘紀効一編新

義兒稅使縱橫局回首於今三百春

禾城激乍築湯和卅載曾驚海上波洋藥既焚邊釁激

夷酋更礫噴言多仙傳白沃能迴敵。星隕春申遂議和。
 戰守機宜終不廢。尚留臺堡峙嵯峨。道光十九年林文
 而海師議以所獲二十一年六月定海被踞節相伊里布視
 浙師議戰二十一年二月定海已而兩江總督裕謙
 來浙礫戰而暴其皮於寧波城以八日誘獲夷酋喂咻
 斥咄仇江督裕奏辨無剝皮之事至八月夷酋樸鼎查
 復陷定海陷鎮海遂陷寧波壽春鎮總兵王錫朋處
 州鎮總兵鄭國鴻定海鎮總兵葛雲飛陣亡提督余
 步雲退曹娥江督裕至餘姚自盡十月夷陷乍浦署同
 參贊大臣文繼至浙二十二年四月夷陷前夷酋墜
 知章逢甲死之十一日犯海鹽至勅海廟前夷酋墜
 馬死土人謂廟中白沃使君顯靈所致後經劉玉坡
 中丞奏入祀典至五月犯吳淞口提督陳化成戰死
 遂陷上海進犯淞江
 鎮江而款議始決矣

慨古

王不問有無。侯不計多寡。此論。淑何人。無乃誤國者。繡
裳陳邠風。細及蟋蟀微。衣褐而瑾戶。艱難在民依。不知
擾。勸苦。那知肉脯貴。蒼天本修遠。况有烏雲蔽。崇高誤
世主。清高誤時流。口不言錢手玉塵。晉室河山腐草秋。
喜聞
西北年來未解兵。已驅萬馬出長城。餉糈正賴江淮濟。
邊。數何堪海國生。款撫喜聞寬大詔。殷憂况啟聖人
情。更敦節儉培民脈。無復蓬山樓閣營。

常山鄉貢吳谷芳

時蘭

遠道來訪詩餞其歸

太息三衢冷貨場。江湖島國講通商。滄桑雖變民情古。
關塞能來故舊長。一盞黃花酬厚意。千邨紅樹送歸裝。
歸時爲報西峯月。十七年前鬢已霜。

禾人品菊索詩

金閭舊有蘭花會。澣墅關前喧暮春。兵後豪家半蕭索。
斯會移至黃浦濱。風流雅集隨繁盛。世間萬事如轉輪。
嘉興無蘭且品菊。人與狂花填滿屋。千首詩成白帝秋。
一尊酒壽黃金馥。我思春花如伯仲。菊花晚榮如季叔。

蒼○天○留○作○暮○年○芳○佳○節○重○陽○饒○眼○福○大○塊○文○章○老○更○成○
西○風○艷○與○東○風○爭○伊○誰○品○作○隱○逸○侶○只○因○曾○識○陶○淵○明○
比○讀○魏○公○晚○節○句○復○作○他○年○宰○輔○評○人○生○顯○晦○花○何○與○
問○花○無○語○香○縱○橫○君○不○見○老○杜○抱○牢○愁○兩○開○他○日○淚○小○
杜○肆○清○狂○滿○頭○花○得○意○同○對○秋○光○前○悲○歡○情○各○異○於○今○
世○運○轉○中○興○黃○花○不○傍○戰○場○地○物○阜○民○康○庶○草○蕃○誰○復○
餐○英○賦○樵○悴○劉○史○范○胡○高○沈○周○羣○稽○舊○譜○求○周○備○鏤○金○
團○玉○贊○天○工○護○雨○遮○風○課○人○事○珍○名○次○第○注○牙○牌○樓○前○
笑○對○芙○蓉○翠○而○我○看○花○協○大○同○紫○黃○紅○白○無○軒○輕○不○攜○

供佛不求仙。但把新詩酌一醉。白雲南雁想雄風。逸駕
秋潭紹奇思。芳菲入詠本陶情。咄咄歐王爭落字。

河決書感

賢豪救患禍。奔馳猶拮据。庸人享安平。高枕或有餘。豈
知高枕釀患禍。賢豪枉將庸人扶。請看今歲河壩決。已
過霜降安調節。十月初四日直隸東明漫口徐兗波濤萬里橫。蠕蠕赤
子皆魚鼈。大溜南趨浸海州。清江浦上寒雲愁。藻兼鼓
浪黃虬舞。馮夷宓女來嬉游。昔激南風還故道。今驅泥
濁淤淮流。昨有淮浦人驅來一黑豕。項脊生巨掌。纖纖

五鳥指物異駭聽聞流觀遍城市或者開元經所占主
大水開元占經豕生人形而豕象水象皆坎來悉達之
言丹乃是而我竊聞卻不然世間事變由遷延去年竟
河勢已急當軸議築籌金錢今年當軸非舊者逍遙坐
鎮泰岳顛蟻穴不防防巨壑可憐涓滴成滔天銀潢翻
軸紫皇惱天船傾覆坑羣仙七襄雲錦盡糜爛牽牛服
箱愁天田蒼水使者爾何在綠圖赤甲空雲煙河伯娶
婦缺鼓樂河宗獻寶墜珊瑚鞭惟有龍門河鯉殊翩翩

編詩既成繫此

中興豪傑建奇功。鐵券河山共始終。俯仰一官真愧我。
往來兩浙漸成翁。何心漢宋爭門戶。無力蘇韓鬪異同。
惟有卅年雷雨變。并隨花鳥入詩中。

衍古謠諺序

無心之言諧天籟而切中人情其惟古之謠諺乎謠諺
近俚不逮樂府之雅可被金石而言近旨遠出自田夫
牧豎市井流俗婦孺之口或爲聖神豪杰所不能外斯
覺世牖民樂府有時不及謠諺矣古者虞舜好察邇言
夏禹懸鞀設鐸以通輿論孔聖取南言以明恒德聞滄
浪之歌示小子以自取所謂六十耳順非與孟子論觀
游則述夏諺論時勢則述齊言曾子門人傳修齊末及
諺語至盲左國語國策采掇愈繁亦先民有言詢於芻

蕤意矣秦漢以還淺而近古唐宋旣降頗不雅馴然酌而取之時時有當於情事故知街談巷議有裨王化也予平生讀詩極嗜樂府思欲擬之復以陳陳相因驟難自抒其蘊以寫人世之糾紛爰擇古謠諺語衍以成篇得若干首不爲詰屈之詞從其體也不引艱僻之典期其明也不過涉俚俗防其頹也不故作理語懼其類有韻語錄見陋於詞人也至若古聖賢之言詩也以古人就我有斷章取義法以我通古人有以意逆志法故唐棣思遠人也可勗學問常華詠兄弟妻子也可廣孝思

元鳥民止黃鳥鳥止寫人物也可釋至善由是鳶魚悟
化機矣伐柯通忠恕矣衣錦證闇章矣潛伏比愼獨矣
皆衍義也茲篇之所衍或暢發原文之舊旨或曲通文
外之別情藉流連風景世故之言託爲禽言鈴語之類
以作酋人之木鐸無泥解亦無背義儻亦與正葩之旨
相合也夫

同治十有一年歲次壬申仲秋之月道銜浙江嘉興府
知府善化許瑤光序

雪門詩草卷十四

衍古謠諺

善化許瑤光雪門甫著

壬申年

舍舊謀新篇

左傳舍其舊而新是謀

今○朝○行○雨○雲○不○出○昨○日○岫○今○年○秋○穫○穀○不○是○去○年○秀○宿○
羹○不○可○以○餉○賓○滑○吏○不○可○以○牧○民○退○筆○不○可○以○作○楷○老○
兵○不○可○以○奏○凱○炎○涼○太○熱○趨○避○深○風○雨○消○磨○筋○骨○怠○天○
子○開○明○堂○奉○君○山○龍○之○袞○服○蛟○韜○之○吳○鉤○問○君○懷○抱○有○
何○經○緯○之○良○猷○君○亦○無○良○猷○所○願○舍○其○舊○而○新○是○謀○

積○絲○成○丈○匹○篇○小○學○紺○珠○積○絲○成○寸○積○寸○成○尺○寸○
昨○日○好○花○今○日○舞○艷○艷○之○春○忽○焉○古○今○日○飄○桐○昨○夜○聞○
新○新○之○秋○秋○又○分○買○歌○買○酒○延○朝○暮○何○若○續○學○償○辛○勤○
積○絲○成○寸○積○寸○成○尺○寸○尺○不○已○遂○成○丈○匹○獨○繭○單○綸○愛○
惜○深○山○龍○黼○黻○從○茲○出○五○歲○識○文○字○十○五○完○經○書○規○模○
前○人○式○吐○注○玉○蟾○蜍○二○十○篇○什○就○三○十○羣○籍○儲○四○十○古○
今○世○情○洞○漸○由○糟○粕○知○清○虛○五○十○髮○漸○白○六○十○齒○漸○疎○
雖○然○老○矣○白○且○疏○中○抱○經○綸○足○卷○舒○百○年○何○長○亦○何○短○
飽○暖○最○易○荒○居○諸○

盜不過五女門篇

後漢書

牽○牛○戴○斗○女○乘○虛○元○楊○示○象○增○躊○躇○千○金○之○產○不○爲○兒○
買○書○百○金○之○家○轉○爲○女○購○珠○嫦○娥○匪○不○好○光○采○蝕○蟾○蜬○
天○孫○匪○不○貴○聘○錢○償○拮○据○高○高○彼○蒼○且○若○此○區○區○人○世○
夫○何○如○吁○嗟○乎○生○男○力○田○詒○厥○孫○生○女○工○織○他○人○溫○雕○
文○纂○組○貧○之○根○君○不○見○盜○不○過○五○女○門○

外頭花花裏頭空篇

宣和政錄

外○頭○花○花○裏○頭○空○描○金○鳳○紙○膠○燈○籠○暫○時○耀○光○采○終○破○
雨○與○風○君○不○見○今○日○長○安○輕○薄○子○東○塗○西○抹○致○青○紫○經○

雪門詩草

卷十四

行古齋彙

二

濟文章無一是。黥臯鼻高眼遠視。又不見半衰門祚小。
康家。竭情盡慎。鬪豪華。輕裘質錢償博進。賣書得價賞。
名花無爲有。虛爲盈浮浮。世界朝。僅榮惟有尼山識俗情。

戰鬪不如巧奏篇

漢書力戰鬪不如巧爲奏

離卦象文明而亦象甲冑。畢竟寶刀有時缺。不敵毛錐。
鋒穎透。天子居深宮。幾曾見烽堠。但覽邊城告捷書。龍。
顏含笑將官授。飾敗可爲勝。戕民可稱寇。收復已空城。
不追謂困獸。張燈置酒聘書記。纍纍黃金先生壽。長跪。

啟○先○生○力○戰○鬪○不○如○巧○爲○奏○

農○工○不○如○商○篇

漢書農不如工工不如商

青○青○園○中○葵○花○開○何○焜○黃○森○森○江○上○笋○梢○尾○何○修○長○逐○
末○日○以○好○事○本○日○以○傷○所○以○斲○耒○耜○不○如○垂○衣○裳○衣○裳○
費○組○織○終○讓○鹽○鐵○強○客○行○江○淮○地○秋○雨○淹○稻○梁○驅○馬○入○
城○市○華○屋○何○煌○煌○屋○外○表○金○碧○屋○中○羅○酒○漿○笙○歌○不○知○
夜○紈○綺○各○成○行○借○問○主○人○姓○非○史○非○金○張○牙○籌○入○掌○握○
陽○和○迴○冰○霜○我○然○富○敵○國○粟○備○三○軍○糧○兼○并○數○郡○田○叱○
咤○百○技○忙○老○儒○旁○觀○生○太○息○曰○信○矣○農○不○如○工○工○不○如○

商

莫知子惡篇

大學人莫知其子之惡惡亦作貌寢解

花○瓷○養○珍○卉○阿○誰○種○藜○藿○雕○籠○瑣○慧○禽○阿○誰○飼○瓦○雀○人○
情○愛○美○好○食○色○天○性○託○關○雎○求○窈○窕○鐘○鼓○聲○乃○作○賈○妻○
妬○不○颺○一○笑○因○雉○獲○雕○武○愛○貌○列○儒○林○陳○平○冠○玉○通○侯○
爵○乃○知○君○臣○師○友○夫○婦○皆○如○此○胡○爲○人○莫○知○其○子○之○惡○
父○母○慈○心○海○樣○深○堂○前○兒○女○養○休○薄○

美女入室惡女仇篇

史記美女入室惡女之仇

明○月○欲○出○白○雲○浮○浮○獨○鶴○歸○林○羣○鴉○啾○啾○美○女○入○室○惡○

女之仇。賢人用世。小人之憂。青蠅玷白璧。完膚生癰瘤。
君王隔重幃。四目那能周。持謝嬋娟子。毋揚蛾眉修。卸
爾九鳳釵。鳳釵碍簾鉤。脫爾翠雲帔。雲帔防污油。殷勤
奉箕帚。掃塵延清秋。潔身浴蘭茝。養晦辭愆尤。一朝荷
天鑒。蕙問川與流。

隱疾難爲醫篇

禮記鄭注

雖有萱艸。難醫眞憂。雖有倉庚。難醫妒瘳。根株蟠肺腑。
金石莫輕投。况復今人之疾。隱更隱。非醉似醉。非饑似
饑。紅顏熏燥。成焦愁其始也。避芳而逐臭。碧毯青燈。肆

臥遊其漸也。晝伏而夜動。有月無日。陰飈颺其極也。愛天而惡壽。枯腸炙肺。無白頭噫吁。噉危乎殆哉。今見於奏牘者。謂之嗜好與洋藥。實則千箱萬舸。皆戈矛金銀。波濤似江漢。萬里飄入東海。流涓涓。流不息。華夏成羣。國良相束手觀。良將駭失色。斯誠隱疾難爲醫。未識元黃流毒莽何極。

不養健兒養乞兒篇

老學菴筆記不養健兒卻養乞兒。不管活人只管死尸。

黃圖清晏講。施捨不妨胎穀貽。鰥寡中原鼎沸事。戰征所貴黃金裝駿馬。緩急有時宜當軸。知不知胡爲北宋。

崇甯日。不養健兒。養乞兒。開漏澤國。置居養院。疆場已
置軍士糧。澤宮厚給。貧生膳。空抱慈心。失義心。優游欲
弭。神州變。斯時。汴河洶洶。聲如雷。不塞金堤。芸草萊。方
袍大袖。救焚溺。漢苑秦關。埋劫灰。好行小惠。成愚闇。良
岳烽烟。何時開。

宣勅篇

孔氏談苑宣醫喪命勅。勅破家。

渴○莫○飲○金○莖○露○饑○莫○食○瑤○池○桃○露○桃○非○不○美○青○鳥○使○者○
多○橫○豪○駕○雲○車○御○天○馬○出○閭○闔○來○草○野○問○青○芻○備○多○寡○
主○人○微○舐○香○案○下○憶○昔○下○界○作○吏○年○長○官○惠○以○一○尺○鰔○

下堂猶使開華筵。於今依倚玉案側。黃金可點石可煎。
自怪騎鶴腰無錢。我聞炎宋玉堂花。勅使傳宣坐賜茶。
美煞文臣湛露賒。及聽宣醫喪命勅。焚破家。乃知虛恩
不可受。使人望古增咨嗟。

不善操舟惡河曲。篇癸辛襍識不善操舟而惡河
紉袴青年子。笑伏芸牕几。草草塗鴉字。不工轉恨家無
好筆紙。深藏金屋嬌。斜簪白玉搔。舊綠新紅裁。不得翻
怪箱。無利剪刀。慳慳已不足。纍纍人事促。不善操舟而
惡河之曲。不善牧民而惡山海多獷俗。不善馭兵而惡

軍行乏糧粟巍巍冠蓋且如斯碌碌庸愚更可知

人是苦蟲篇 練兵紀實

斯人列三才。靈與天地抗。惟苦斯成人。否直微蟲樣。膏
梁。螟。特。滋。酒。甕。醢。雞。盎。執。袴。輕。浮。蛺。蝶。驚。烟。花。迷。毒。金。
蠶。瘴。賢。豪。深。懼。挺身起。龍章鳳表。千人上。磨鍊艱難筋。
骨。殊。依。然。不。失。孩。提。相。蒼。天。毓。人。愛。惜。深。蚩。蚩。蠕。蠕。豈
天。心。奈。何。扈。主。不。如。黃。耳。犬。反。哺。不。如。頭。白。禽。以。蟲。比。
人。蟲。欲。吟。

多虛不如少實篇 陳勇農書

毋談海島。海島渺茫。毋思邃古。邃古洪荒。勞心不獲鏡。
裏花光。有山一角。泉清石涼。有田一成。春種秋穰。茅屋
數椽。經籍半箱。寒暑可避。子弟允臧。如何不足而事夸。
張。君子不多學問。津梁我心悠悠。古人有謀多虛。不如
少實。廣種不如狹收。

深山出俊鶴篇 丹鉛錄

鴛鴦戀伉儷。羈絆池塘邊。黃鸝愛歌舞。迷惑園林天。白
鶴頗高格。廢作遼海仙。紛紛狐兔遍草莽。賴有俊鶴將
威宣。黃金雙眸白玉爪。一點輕雲碧天表。萬里龍堆瀚

海遙飛行食肉雄心矯。卻自磨筋鍊骨來。叢林絕壑風
霜飽。俊鶴深山如不出。雲霄萬古皆凡鳥。嗟嗟兮膏腴
多黍兮。鴛乃化鼠布穀春。疇兮鷹乃爲鳩。富貴之子弟
兮。驕養成偷。錦繡結束骨氣柔。邊城一旦報烽警。誰挾
輕刀快馬遊。

老貧篇

后山叢談。禾怕秋旱。人怕老貧。

值暮齒。愛青錢。衰翁計較真可憐。黃金盡。白髮生。唐人
詩句亦傷情。人生本如草與木。不貴春艷貴秋榮。榮艷
亦難必。生機胡可失。臨老不得安。尼山應太息。綈袍絕

少故人憐。棗糕莫恃兒孫力。風雨衰顏不出門。一枝瘦杖。天昏黑。蕭然四壁。蟋蟀鳴土銼。無煙炊不得已矣乎。禾苦秋時早。人苦老時貧。寄語翩翩少壯人。

嬾婦驚篇

詩疏趨織鳴嬾婦驚

婦人宣閭政。陰陽相表裏。賢婦知詩書。奢婦數純綺。巧婦刺繡文。儉婦持鹽米。嗟嗟嬾婦全不理。嬾焚堂前香。嬾調厨下漿。匆匆挽椎髻。草草著衣裳。春眠不覺曉。三伏坐招涼。長願西風寒。不送金刀栗尺拋。何用促織無端鳴。惱人驚覺沉沉帷幕夢。繁音切響豆花籬。恰似啼。

號兒女凍雖驚已晚究何成顛倒天吳和紫鳳

黃栗留看我麥黃甚熟篇

詩疏

鳳凰賀聖鳥實啄琅玕竹五鳩亦鳩民供職邀天祿破
土事農桑歲歲忙青犢怪哉黃栗留奔走微軀速春朝
隴畝閑行看我麥黃甚熟兒童驅去還來不知幾千萬
族田豕迎虎驅田鼠聘貂逐惟茲小鳥依東風竟不家
食占大畜世間四體不勤人非工非商復非讀以肩承
喙作生涯釀成農一食粟六

視已成事篇

韓詩外傳

日月成行。五星歸次。江河成紀。百川所至。民之初生。政之初治。草昧經綸。恃有神智。茲千萬年。已成故事。百家技能。六經仁義。固有不臧。矧茲爲吏。聖功曰學。王道曰制。視之視之心。隨目寄。

彈琴種花篇

續釋常談彈琴種花陪酒陪歌

彈琴非不雅。琴高猷秣馬。種花興亦濃。花多惹游蜂。人生有好皆爲累。不必博簊蟋蟀籠。我聞國朝黃莘田。詩酒罷官船旗塞。又聞諸城劉公子。性耽金石白簡傳。在官言官古有制。清高那得同林泉。而况林泉無官亦。

有○家○白○菜○青○鹽○生○事○賒○若○敞○閑○門○延○熱○客○轉○教○冷○趣○招○
繁○華○陪○酒○尋○常○債○陪○歌○狎○友○譁○宴○樂○佚○游○成○損○象○風○流○
名○士○知○之○耶○

三真六草天下寶篇

南史三真六草爲天下寶

真○草○手○藝○耳○勢○不○抵○文○章○持○以○謀○生○事○文○轉○讓○藝○強○道○
德○英○華○人○不○識○典○冊○只○合○名○山○藏○惟○有○三○真○六○草○天○下○
寶○煙○雲○炫○目○生○光○芒○上○自○君○相○下○牧○豎○賞○識○珠○玉○評○價○
昂○卽○今○長○安○隆○射○策○杏○花○春○爲○麝○煤○香○乃○知○內○修○先○外○
飾○花○容○窈○窕○藉○雲○裳○

偏憐之子不保業篇遼史

木不飽風霜。廊廟無棟梁。金不入陶冶。武庫無干將。偏憐之子。驕養甚。那能保業。延久長。庸愚固坐廢。聰穎亦誇張。甘蔗縱然多。旁挺空蓮。畢竟多偏房。其母以色選。其嗣以驕荒。少婦無爲空挾瑟。可惜黃金白玉堂。

龍多乃旱篇李季可松隱百說

東田西田禾蓬蓬。十日不雨愁老翁。焚香禱四瀆。江湖封印重。望洋向海若。日照桑田紅。轉告泰山與華岳。金泥玉檢正乾封。牲牷竭矣圭璧卒。蘊隆何事仍蟲蟲。急

取玉歷視治水十二龍事權不一互推謝有似一國而
三公乃知旱匪出天意垂龍各各懷私衷願持寶劍割
彼耳聊警從前癡與聾

鷓鴣生鵬篇

詩疏

銀漢之波注爲黃河黃河道改流入東海東海日光好
種扶桑扶桑高高枝接蟠桃桃蟲羽拂是曰鷓鴣鷓鴣
生鵬飛上雲霄雲霄萬里青無邊人生最好生兒賢

狐裘三公篇

左傳狐裘蒙茸一國三公

一畝之地種豆種麻兼種麥腰鎌耒板難爲獲一丈之

布染紺染紫復染紅金刀玉尺難爲縫旋旋羊角風行
船迷西東一國而三公政令誰適從各擁狐裘誇蒙茸
我所思兮勝國終撫臣督臣外水火樞臣臺臣內刀鋒
更有厥衛附骨癰

難得之婦不主家篇

遼史

客乘碧玉車來選名園花中寵慧鳥留客催傳茶客
心遂飄蕩不惜千金賒買花兼買鳥歸起紅樓遮那知
花枝質柔脆宿根不發明年芽交交好音費香粟含噉
啄破窓前紗蘭心蕙質非不美索綯不及蓬中麻風流

才子亦可愛。無濟實川多浮華。吁嗟乎難得之婦不主家。

儒書爲國憂篇

左傳惟其儒書以爲二國憂

爲國不讀書。功利流襍霸。書不通其變。泉府將利射。經術誤蒼生。執拘誰能化。不獨執拘石。硜硜高談太極。豈世情。闔雲洛水通洙泗。可憐無救宋室傾。宋室南渡悵已矣。勝朝儒術尤多詭。不宋不漢尚氣節。官爭於朝士。鄉里求名轉博。廷杖榮清議。不辭黨禍起。豐功駿烈三百秋。剛復成狂仁義愁。不是五經俱掃地。惟其儒書爲。

雪門詩草

卷十四

衍古謠諑

七

國憂

盜智過君子行

梁溪漫志盜雖小人智過君子

我思王母眞仙人。三失蟠桃瑤池春。東方曼倩盜復盜。
金童旁笑滑稽神。卜食者狼。役倭者虎。妖狐善媚兮。猩
猩善語。潘崇用言以飮言。盜跖藉飭而脂戶。恃詐肆貪。
兮。防之無補。或言盜雖小人。智過君子。古來奸猾都如
此。明月高高兮。懸青天。蟾蜍盜蝕兮。沒其邊。雷霆欲擊
兮。不知匿處。賴九鼎之形鑄。九鼎長往。莫可尋。英雄欺
人。深更深。

侏儒一節知長短篇

桓子新論侏儒見一節而長短可知

欲知坤輿厚。但看寸草莖。欲知日月遠。但觀尺牖光。人居兩大中。稊米一太倉。侏儒小稊米。奚足論短長。聊借形骸喻德性。賢愚奚用節節量。飛鳶知造化。雌雄知行藏。呪網知湯丸。尺表澤枯知文十尺祥。片甲一毛識龍鳳。佛牙仙指傳荒唐。况復一節見人短。古有微生乞醯事。又有山節藻梲臧。

肥田瘦狀行

三才圖繪種肥田不如告瘦狀

東家老翁種田肥。豐年飽暖荒年饑。西家無田倚刀筆。

豎筆爲是橫筆。非縣吏持牒下鄉里。有田有租索費使。
殺雞欸吏。吏怒。嗔西家來勸吏歡喜。東家犒贈西家交。
西家借貸東家米。東家日苦窮。西家日苦豐。納粟竊冠
帶。昂然縉紳中。鬼伎何曲曲。虎視何熊熊。老翁遇之歎。
且美哀我狂獄誰爲線。長年暑雨與祁寒。不如陷文之
破硯。世間最苦是農民。知肥知瘦賴州縣。

鎮宅書篇

辛文房唐才子書金玉有餘買鎮宅書

寒峻愛書沒金買。一紙借得工鈔楷。短篇急寫以月計。
大部寒燈青數載。偶交公子入豪家。軸以綠錦籤以牙。

寶架森森連畫棟。芸香撲撲飄庭花。太息問公子。何部
經集何子史。公子茫然但直視。閑抽一帙拂塵看。丹黃
未過堆故紙。乃知此是鎮宅書。以耀金玉之有餘。今古
庸愚偷厚福。幾人經訓作菑畲。但願百年插架能保守。
子孫長此宅中居。博一收藏之名。萬事足慎毋賣食。成
蠹魚。

人急客作行 田家五行志

朝起環室走。四壁風蕭然。出門訪隣里。淡淡少周旋。途
窮無可往。頓發長安想。聞道長安結客多。浮雲四合漫

笙歌五侯七貴傾朝野。一紙書來江海波。擔簦出門且
西笑。碌碌輪蹄帶鐵磨。鐵磨聲錯落。鸞鳳多飄泊。沙漠
無梁鴻。雁南深淵將涸。潛龍躍風急。兮雨落人急。兮客
作物貴離鄉人貴游。桑弧蓬矢療貧藥。奈何兀坐守妻
孥。寒臥牛衣老邱壑。

窮士日更名篇

丹鉛錄亂王年年改號窮士日日更名

神仙避劫圖不老。千年狡獪更名巧。窮士希榮酷好名。
求名不遂將名惱。昨夜夢天書。桂籍煌煌造。今朝千佛
經。仍落孫山表。文字無靈轉計多。宛然百舌呼春鳥。日

日更名士更窮。年年改號漢唐風。自明不改洗陋制。而
士之名例可通。胡爲今人改名兼改號。青年稱叟愛老
耄。身居朝市山人誇。日讀儒書道人冒。翻黃轉綠花樣
新。可憐何處瞻定操。

暴熱難當行

田家五行志

手持寶劍覽八荒。蒼蒼世界多炎涼。由富驟貧貴驟賤。
春風回首皆水霜。暴寒固難忍。暴熱更難當。請君留意
富貴場。隆隆炎炎手可熱。驕矜之氣如驕陽。颼風驟雨
須臾變。人情總向初時見。明月當天小似珠。乍離海嶠

車輪炫白雲。成雨雲漸平。纔吐奇峯金碧絢。青年意氣莫凌人。厚福隆名天所眷。

離山一里薪在山行

名山藏離山十里薪在家裏離山一里薪在山裏

書生覽古談巢燧。鶉居穀處詳其系。及與當朝掌故稽。煌煌國號忘其次。游客探奇攬八荒。窮邊絕塞記巾箱。呼之出門問隣里。驅馬向背迷其鄉。明明習用典。不知出何書。源源日用物。不知產何區。高談太極理。而忘形骸軀。驚遠忽其近。人情類如此。離山十里薪在家。離山一里在山裏。采樵之言可知矣。尼山識此情。學從切近。

始言志只言老少朋仁則視聽言動止

鱖魚食自來行 本草綱目

本是樂浪尉化而爲鱖鯉竊據江湖大口如羅網張鱖
魴鯉鯉鱖鯉魴一時都作果腹糧少不遂意鼓巨浪崔
巍之勢傾桅檣鯪鯉有角不敢觸河豚含毒俱包藏涵
淹卵育日肥腩自來之食胡徬徨鸚鵡洲前漢江水曉
日凌波萬漁子鱖鯉鱖鯉休自喜長蠅繫餌將投矣

三月思種桑行 世範

忙人心多閑閑人心多忙三月思種桑六月思築塘事

雪門詩草

衍古諺

事○落○人○尾○事○事○繁○心○腸○只○爲○遲○迴○生○跼○促○一○生○誤○度○好○
韶○光○

凶羊補牢行

國策見兎而顧犬未爲晚也凶羊而補牢未爲遲也

見○兎○而○顧○犬○凶○羊○而○補○牢○休○嫌○事○機○晚○終○較○長○年○坐○廢○
高○行○舟○不○早○占○風○信○中○流○突○遇○波○濤○震○及○斯○轉○舵○亦○英○
雄○毋○犯○石○灘○再○前○進○七○年○之○病○三○年○艾○好○事○無○如○回○首○
最○

三蛇九鼠行

爾雅翼一畝之地三蛇九鼠

八○十○老○翁○誨○兒○曹○世○間○易○長○惟○蓬○蒿○敗○類○生○機○饒○善○類○

甫田詩歎莠驕驕一畝之地三蛇九鼠不熏不驅何以
安處自從慈悲陰隲之說興舉世談經思伏虎膠庠好
善尚可言搢紳濡染成迂腐一螭不捕化爲百蝗一蜃
不掘毒蛟懷襄纖纖束葦焚我崑岡誰謂刑官其後不
昌君不見刀鋸戰陣始軒皇子孫二帝而三王嬴秦劉
漢皆其裔乃知除暴卽禎祥

前事不忘後事師篇

史記前事不忘者後事之師也

我讀犧經十翼章危亡與亂三不忘
尼山擇師改不善奈何後世惟頌揚
前車旣覆後車鑒前舟觸礁後舟慢

世人喜聽吉祥詞。往往既不追來孰諫。去年水沒畦。今年
忘捍堤。去年羊踏菜。今年忘插籬。昨來大亂平。未久居
然文恬而武嬉。更踰數十百年後。誰識乾坤曾亂離。前
事不忘後事師。治國齊家一貫之。

腐木不可爲柱行

漢書

腐木不可以爲柱。卑人不可以爲主。漢拜韓信。衆軍驚。
秦相李斯。親臣忤。殷宗知此情。將欲用胥靡。託言夢帝。
賚鎮壓百官疑。周文知此情。後車載呂尚。鼓刀難服衆。
乃託太公望。升卑而爲高。雲霄一羽毛。古聖善變化。屈

伸權可操。否則用資格。聞望圭璋。褒後世人情。非往古。毋使少年新進。擁旌旄。

虎生三子。必有彪篇。

癸辛襍志。虎生三子。必有一彪。

虎生虎子。更生彪兒。彪食虎子。殘其本支。古來英豪。墜人國。往往子弟相蠶食。奪棗爭梨。發殺機。一龍五馬多凶德。忍子胚胎。忍父懷。狼聲蜂目。逞無極。回思麟定應。睢鳩周室。宗盟入百秋。止仁止慈。開國本蕭牆。何自森于矛。胡爲鮮度言。尚流。

梅優於香行

埤雅

梅花優於香桃花優於色香優結實酸色優實如蜜人情愛色喜甘多歌舞春風及春日那知春花不及冰花堅紅顏憔悴殊可憐寶甘生蠹不耐久寶酸止渴如廉泉將香來比色桃花梅花果孰妍

烏雞兒行

通典黃雞之子烏雞伏之但知爲烏雞之子不知爲黃雞之兒

皇古無師聖師天風雷日月相周旋仁靜學山智學水夏賞秋刑法自然天德天憲時顯藏枝詞稗說增荒唐彼蒼欲植萬世表乃遣素王騎鱗來大荒手持金鐸醒億兆心溉玉釜陶百王六經既出白日曉三千和鳴從

鳳皇秦火欲燒燒不得。鏗然魯壁聞絲簧。漢使購求漢
儒註。各守薪傳藏青箱。越晉踰唐宋學肇。閩雲洛水支
派長。自此門戶之說勝。性道文章分兩徑。兩徑中開百
徑歧。各據河山相駁證。煌煌大道本無疆。而今學以兩
朝定。其實異派究同源。顏閔游夏俱學聖。學人造就如
登山。應躡泰岱青孱顏。一覽乾坤衆山小。此身不置培
塿間。胡爲拘拘漢室與宋室。幾忘刪訂東周筆。訓詁雖
明大義微。性真貽誚空疎失。鄭許程朱肆管窺。杏壇步
趨忘追隨。是謂黃雞之子。烏雞伏之。只知爲烏雞之子。

而不知爲黃雞之兒噫

斧小不勝柯行

師春引諺語

團團明月照山河。中有桂樹生其阿。深根蟠玉府。長年
陰婆娑。庇護蟾蜍色。妖露碍我穆穆之金波。廣寒本是
清虛地。留此不翦將奈何。玉帝震怒命伐此樹。仙人吳
剛奮身不顧斧。以斯之千年如故。丁丁聒耳見笑白兔。
旁坐聰慧之嫦娥。道是斧小不勝柯。回頭欲向蓐收借。
西海風濤阻嵯峨。桂亦竟不折。斧亦竟不輟。雖無大益
究小補。至今無碍清秋節。

一壺千金篇 鵲冠子中流失船一壺千金

我冠博帶遭宋魑。不如一領微服奇。食客三千阨函谷。
不如雞鳴度關速。中流忽失船。一壺而千金。憑託雖微。
賤。究免性命沈人海。波濤深復深。王侯將相何足任。東。
海受詩書。夫力蘆。碕憐士漁父。吟英雄。蹭蹬藉俠義。事。
急多結卑。下心君不見。明月既斜。夜深黑。尋途一束然。
蒿力。卿雲太高不可攀。慙足獨樹孤陰直。

無錢飲酒妒面赤行

蘇詩注無錢飲酒妒人面赤

嫦娥若不妬。月宮桂樹應兩枝。封姨若不妬。春花何事

吹披離兼女爲嫌造倉頡二女睽革畫伏羲一似妬乃
先天象。究竟婦人非男兒。婦妬一室止競寵。男妬天下
無窮期。妬富妬貴。妬才學。妬功妬德。相傾危。浮雲蔽日
風雨怒。江湖鼓蕩。山岳移。宵小類如此。豪杰亦有之。兩
虎不同穴。兩蛟不同池。竊位臧文仲。賢亦展禽知。忍心
踞爵祿。嫉媚成奸欺。朝廷大烹養賢士。一人醉飽衆人
饑。更有山林蹭蹬輩。艷人騰達肆譏訛。有似無錢飲酒
妒面赤。匪獨浮薄真愚癡。愧煞衛風雄雉什。巾幗能吟
不伎詩。

南風還北風詠

田家五行志既吹一日南風必還

泰○否○剝○復○損○益○通○世○間○萬○事○如○轉○蓬○雙○丸○金○玉○輪○晝○夜○
交○戰○元○黃○傾○西○東○毳○毛○禽○鳥○終○希○草○秋○黃○枝○葉○翻○春○紅○
黍○離○麥○秀○商○周○野○李○樹○楊○花○兩○姓○宮○綺○羅○公○子○韶○年○福○
燈○火○寒○儒○晚○歲○豐○酌○君○酒○治○君○龔○試○聽○田○間○老○翁○茅○簷○
傳○語○兒○童○既○吹○一○日○南○風○必○還○一○日○北○風○昨○宵○脫○去○棉○
襖○卷○歸○箱○籠○從○容○

兩心拔刺詠

易緯一夫兩心拔刺不深

夜○聽○村○春○相○助○歌○朝○聞○邪○許○呼○渡○河○同○聲○且○藉○同○心○力○

一○心○專○致○夫○如○何○纖○纖○白○羽○貫○石○與○金○蚩○蚩○蜥○蜴○能○降○
甘○霖○東○海○無○岸○填○以○冤○禽○太○行○千○里○移○以○愚○忱○乃○知○萬○
事○恃○有○一○心○一○夫○兩○心○拔○刺○不○深○徬○徨○觀○望○精○氣○銷○沈○
切○膚○之○痛○尚○如○此○遺○大○投○艱○誰○與○任○嗟○乎○足○可○登○萬○仞○
步○不○出○一○尋○力○可○舉○萬○鈞○手○不○勝○一○針○才○可○治○萬○世○道○
不○理○一○今○方○寸○之○中○多○紛○擾○坐○令○白○日○空○駸○駸○

鷓鴣樹上鳴歎

太平廣記虎語

鷓○鴣○樹○上○鳴○意○在○麻○子○地○書○生○誦○聖○經○心○想○科○名○事○科○
名○猶○可○言○欲○作○烟○花○帥○黃○甲○一○朝○登○青○樓○終○日○醉○長○安○

花易殘。出走邯鄲。騎邯鄲道上。撲黃塵。不如水榭秦淮。
春橫塘。楊柳玉簫路。長板桃花。畫舫人。年少翩翩明月。
下。嫦娥愛戀情相親。相親復不久。飛絮蘇臺柳。聞道錢。
塘蘭漿雙。觀潮痛飲餘杭酒。錢江湖猛。不欲留。浮雲飛。
渡蒼梧洲。五嶺桂枝橫驛館。三山翡翠來船樓。眞珠作。
燭珊瑚枕。自喜詞臣得壯游。那知瘴海蠻烟表。艷艷鴛。
鴦多鴛鳥。沈迷不返。以身殉。玉樹長眠。竟不曉。可憐傳。
信至家鄉。舉室淒惶。師友傷。只道聰明。饒厚福。豈期文。
采增猖狂。自古才人出浪子。名花不肯實秋霜。若令增。

雪門詩草

卷十四

衍古諺

躋○茅○簷○下○寒○鴉○猶○自○歸○斜○陽○科○名○博○得○增○羽○翼○風○雲○路○
遠○青○范○范○轉○惜○讀○書○培○植○誤○令○人○歎○息○愁○文○章○

不斑白語道失篇

古今諺

知○朝○不○知○暮○無○以○明○陰○陽○知○春○不○知○秋○無○以○明○行○藏○知○
壯○不○知○衰○無○以○明○柔○剛○惟○茲○皤○皤○黃○髮○叟○天○時○人○事○閱○
歷○長○知○存○知○亡○知○微○彰○如○圭○如○璋○萬○夫○望○自○昔○澤○宮○養○
三○老○陽○教○孝○弟○陰○明○道○乞○言○之○典○何○煌○煌○玉○振○金○聲○天○
下○寶○尼○山○贊○易○五○十○餘○青○年○著○作○無○乃○早○年○不○斑○白○時○
語○道○多○支○離○亦○有○老○更○耄○更○有○少○可○師○此○乃○上○智○下○愚○

之不移

美服人指篇

張太岳集美服人指美珠人估

昭○昭○白○日○有○何○私○照○耀○金○銀○臺○亦○眩○可○知○物○采○且○燭○天○
奈○何○一○身○鬪○華○絢○美○服○人○必○指○美○珠○人○必○估○非○關○世○情○
薄○厥○咎○皆○自○取○離○象○爲○目○爲○戈○兵○以○光○射○人○人○必○侮○內○
明○外○柔○蒙○難○文○遵○養○時○晦○於○鑠○武○周○公○狼○跋○豷○尾○年○瘡○
口○噍○音○亦○何○苦○懷○瑾○握○瑜○若○有○若○無○倘○其○自○衒○求○價○而○
沽○闇○者○見○之○疑○爲○碻○碻○貪○者○見○之○中○心○擲○揄○妬○者○見○之○
青○蠅○玷○污○故○老○氏○守○雌○守○黑○之○說○夫○子○聞○之○歎○曰○其○猶○

龍乎。

讀詩理亂絲篇

楊泉物理論能理亂絲乃可讀詩

讀易如綵繭引伸能事畢。讀書守大經。綸綍王言出。讀
禮垂衣裳。威儀成錦匹。春秋示裁剪。杼軸尼山筆。惟詩
殊不然。感觸多纏綿。蟠鬱腸九曲。蕤蕤情萬千。南箕北
有斗。因役怨蒼天。渭清涇愈濁。棄婦妬淵泉。鳥獸暨草
木。顛倒迷後先。休言頌比風。雅易桃蟲集。蓼紛雲煙休
言賦。較比興。易投桃報李。昧真詮。屈宋文章亦祖此。詭
詞譎喻無定旨。能理亂絲可讀詩。箇中真味問誰知。

相士失之貧篇

朝行山林中。松瘦而梧肥。暮涉河梁前。鷺飽而鶴飢。感
此生太息。寒峻生事微。路逢千旄使。厚聘彼姝子。彼姝
何豐碩。玉面瓠犀齒。寶玦碧珊瑚。華服青霞綺。載歸面
君王。問以封禪禮。茫然不能對。愧汗滴蘭卮。傍侍楊得
意。長卿與同里。僂言動天聽。拔身犢鼻裏。飄飄凌雲賦。
讀罷秋風起。跼蹐得非常。執袴無奇士。武帝忻然謂侍
臣。從前相士失之貧。從茲方朔枚臯輩。照耀千秋漢室
春。

智貴卒篇

劉子新論力貴突智貴卒

兩○箭○同○逐○鹿○先○中○食○其○肉○兩○劍○互○鬪○爭○先○刺○我○得○生○遲○
速○間○一○髮○萬○古○判○輸○贏○曲○逆○解○衣○刺○船○日○昭○烈○失○箸○託○
雷○驚○屠○馬○浴○血○徐○敬○業○倒○印○追○符○司○農○卿○事○變○猝○至○風○
與○霆○那○能○頃○刻○爲○君○停○力○貴○突○女○子○能○令○孟○賁○蹶○智○貴○
卒○指○梅○遽○改○三○軍○渴○願○君○養○力○以○括○機○寶○刀○無○缺○鏡○無○
疵○片○時○之○用○出○平○時○